

欽定古今圖書集成

方輿彙編職方典



欽定古今圖書集成方輿彙編職方典

第五百三十五卷目錄

漢中府部藝文二

詩

玩漢水

梁簡文帝

飛僊閣

唐杜甫

五盤

前人

龍門閣

前人

石櫃閣

前人

武侯祠

前人

八陣圖

前人

武侯廟

前人

駱谷行

岑參

與鮮于庶子自褒城同行作

前人

未安超禪師房

前人

石白嶺

歐陽詹

漢江

杜牧

西歸出斜谷

雍陶

武侯廟

元稹

褒城驛

前人

過駱谷

白居易

黃花驛

薛逢

送人赴任褒中

羅隱

醴泉院

後唐和凝

洋川

宋韓億

崇法院

韓縝

東山寺

前人

遊賈氏南園

前人

遊靈巖

鮮于侁

望雲樓

前人

灤泉亭

前人

無言亭

前人

禊亭

前人

野人廬

前人

茶蘼洞

前人

南園

前人

北園

前人

冰池

前人

書軒

前人

披錦亭

前人

橫湖

前人

湖橋

前人

待月臺

前人

吏隱亭

前人

霜筠亭

前人

露香亭

前人

涵虛亭

前人

過溪亭

前人

菡萏亭

前人

此君庵

前人

金橙徑

前人

竹塢

前人

荻浦

前人

蓼嶼

前人

寒蘆港

前人

天漢臺

前人

溪光亭

前人

篔簹谷

前人

庚子八月八日再遊東山寺

前人

贈牛頭寺明上人

蘇軾

冰池

前人

書軒

前人

披錦亭

前人

橫湖

前人

湖橋

前人

望雲樓

前人

待月臺

前人

二樂榭

前人

灤泉亭

前人

吏隱亭

前人

霜筠亭

前人

無言亭

前人

露香亭

前人

涵虛亭

前人

過溪亭

前人

禊亭

前人

菡萏亭

前人

野人廬

前人

此君庵

前人

金橙徑

前人

茶蘼洞

前人

南園

前人

北園

前人

竹塢

前人

蓼嶼

前人

荻浦

前人

寒蘆港

前人

天漢臺

前人

溪光亭

前人

篔簹谷

前人

冰池

蘇轍

書軒

前人

披錦亭

前人

橫湖

前人

湖橋

前人

望雲樓

前人

待月臺

前人

二樂榭

前人

漁泉亭

前人

吏隱亭

前人

霜筠亭

前人

無言亭

前人

露香亭

前人

涵虛亭

前人

過溪亭

前人

禊亭

前人

菡萏亭

前人

野人廬

前人

此君庵

前人

金橙徑

前人

茶蘼洞

前人

南園

前人

北園

前人

竹塢

前人

荻浦

前人

蓼嶼

前人

寒蘆港

前人

天漢臺

前人



溪光亭

前人

篔簹谷

前人

玉峯園經春不得一過因成詩呈同官約遊

文同

新晴望北山

前人

自斜谷第一堰泝舟上觀石門兩岸奇峯最為

佳絕

前人

天寧溪濯足

前人

郡齋閒咏六言詩二十四首

前人

獨坐

湖上

湖橋

推琴

靜觀

亭館

流水

報國

聞道

相如

彭澤

凭几

衰後

鷺鷥

又

蓮子

採蓮

翡翠

朱槿

偶書

閒書

又

青鸛

北岸

初入棧道

子午谷

五雲宮

前人

文同

前人

前人

明許纘

王雲鳳

石無用

黃金峽

王任

五雲樓

馮綬

龍亭侯墓

徐乾健

過子午鎮

楊美益

金洋堰

何悌

豐都山

張鍊

子午谷

楊一清

過環珠水神廟

文岡

入洋縣道中

前人

職方典第五百三十五卷

漢中府部藝文二 詩

玩漢水

梁簡文帝

離色崑崙水泓澄龍首渠豈若茲川麗清流疾且徐

離離細一作砂磧淨藹藹樹陰疎石衣隨溜卷水芝扶

浪舒連翩瀉去檝鏡澈倒遙虛卿持點纓上於是察

淵魚

飛僊閣

唐杜甫

土門山行窄微徑緣秋毫棧雲闌干峻梯石結構牢

古今圖書集成  
萬壑欹疎林積陰帶奔濤寒日外淡泊長風中怒號  
歇鞍在地底始覺所歷高去來雜坐臥人馬同疲勞  
浮生有定分饑飽豈可逃歎息謂妻子我何隨汝曹

五盤

前人

五盤雖云險山色佳有餘仰凌棧道細俯映江流疎  
地僻無網罟水清反多魚好鳥不妄飛野人半巢居  
喜見淳朴俗坦然心神舒東郊尙格鬪巨猾何時除  
故鄉有弟妹流落隨江墟成都萬事好豈若歸吾廬

龍門閣

前人

清江下龍門絕壁無尺土長風駕高浪浩浩自太古  
途危中縈盤仰望垂綫縷滑石敲誰鑿浮梁裊相拄  
目眩隕雜花頭風吹過雨百年不敢料一墜那得取  
飽聞經瞿塘足見度大庾終身歷艱險恐懼從此數

石櫃閣

前人

季冬日已長山晚半天赤蜀道多早花江間遶奇石  
石櫃層波上臨虛蕩高壁清暉迴羣鷗暝色帶遠客  
羈栖負幽意感嘆向絕跡信甘孱懦嬰不獨凍餒迫  
優游謝康樂放浪陶彭澤吾衰未自由謝爾性有適

武侯祠

前人

諸葛大名垂宇宙宗臣遺像肅清高三分割據紆籌  
策萬里雲霄一羽毛伯仲之間見伊呂指揮若定失  
蕭曹運移漢祚終難復志決身殲軍務勞

八陣圖

前人

功蓋三分國名成八陣圖江流石不轉遺恨失吞吳

武侯廟

前人

遺廟丹青落空山草木長猶聞辭後主不復臥南陽

駱谷行

岑參

聞君行路難惆悵臨長衢豈不憚艱險王程剩相拘  
憶昨蓬萊宮新授刺史符明主仍賜衣價直千金餘  
何幸承命日得與夫子俱攜手出華省連鑣赴長途  
五馬當路嘶按節投蜀都千崖信縈折一徑何盤紆  
層冰滑征輪密竹礙隼旟深林迷昏日棧道凌空虛  
飛雪縮馬毛烈風擘我膚峯攢望天小亭午見日初  
夜宿月近人朝行雲滿車泉澆石罅坼火入松心枯  
亞尹同心者風流賢大夫榮祿上及親之官隨板輿  
高價振臺閣清詞出應徐成都春酒香且用俸錢沽

古今圖書集成  
浮名何足道海上堪乘桴

與鮮于庶子自褒城同行作

前人

剖竹向西蜀岷峨渺天涯空深北闕戀豈憚南路賒  
前日登七盤曠然見三巴漢水出嶓冢梁山控褒斜  
棧道籠迅湍行人貫層崖巖傾劣通馬石窄難容車  
深林怯魑魅洞穴防龍蛇水種新插秧山田正燒畬  
夜猿嘯山雨曙鳥鳴江花過午方始飯經時旋及瓜  
數公各遊宦千里皆辭家言笑忘羈旅還如在京華

永安超禪師房

前人

滿樹枇杷冬著花老僧相見具袈裟漢王城北雪初  
霽韓信壇西日欲斜門外不須催五馬林中且聽演  
三車豈料巴川多勝事爲君道此報京華

石臼嶺

歐陽詹

鳥合蛇盤地半天下窺千仞到浮烟因高回望霑恩  
處認得梁州落日邊

漢江

杜牧

溶溶漾漾白鷗飛綠盡春深好染衣南去北來人自  
老夕陽長送釣船歸

西歸出斜谷

雍陶

行過險棧出褒斜出盡平川似到家無限客愁今日  
徹馬頭初見米囊花

武侯廟

元稹

撥亂扶危主慇懃受托孤英才過管樂妙策勝孫吳  
凜凜出師表堂堂八陣圖如公全盛德應歎古今無

褒城驛

前人

嚴秦修此驛水漲驛前池已種萬竿竹又栽千樹梨  
四年三月半新筍晚花時悵望東山去等閒題作詩

過駱谷

白居易

今年到時夏雲白去年來時秋樹紅兩度見山心有  
愧皆因王事到山中

黃花驛

薛逢

孤戍迢迢蜀路長鳥鳴山館客思鄉更看絕頂煙霞  
外村樹巖花照夕陽

送人赴任褒中

羅隱

萬轉江山通蜀國兩行珠翠見褒人海棠花謝東風  
老應念東都共苦辛

古今圖書集成  
醴泉院

後唐和凝

萬山嵐靄簇洋城數處禪齋儘有名古柏八株惟翠  
色靈泉一派逗寒聲暫遊頗愛閒滋味久住翻嫌俗  
性情珍重支公每相勉我於儒行也修行

洋川

宋韓億

梁州鄰左古洋川氣候融融別是天地僻過冬稀見  
雁箐深初夏已聞蟬鄉風與蜀微相似驛路兼秦舊  
接連駱谷轉山圍境內漢江奔浪遶城邊展開步障  
繁花地畫出棋枰早稻田遠寺徑危攢迸筍後園池

冷漱飛泉秋深滿院芭蕉雨晚色臨軒薜荔煙南浦  
揭蒲當凜冽西溪踏石向暄妍夕陽道觀鳴鐘鼓夜  
月人家奏管絃楊柳影中沽酒市芰荷香裏釣魚船  
珍禽聽久聲難辨新果嘗餘味更全野渡潮平分淺  
瀨郡樓雲散露高巔喧闐鼓吹迎神社狼藉杯盤送  
客筵慈竹清筠霜鬪膩海棠堆艷火爭然蒼崖嶮峻  
應藏虎碧洞陰深恐隱僊妓女從遊持翠蓋士流尋  
勝擘香牋戚姬廟宇青蕪沒和相詩碑綠蘚沿三縣  
俗淳宜靜理兩衙事簡可閒眠紛華度歲他鄉外幽



趣終朝在眼前不為近願明詔下及瓜情願滿三年

崇法院

韓縝

久聞雲際山中有古招提新秋喜遠覽銳意窮攀躋  
出郭值微雨涼風曉萋萋陂陀越大嶺沙路春無泥  
野沃稻田秀未耜沿溝畦登岑復入谷漸過西山西  
舉首望華屋雙岸鬱相攜虛橋駕烟靄峻闥排虹霓  
下馬踏危級褰裳陟修梯超然層閣外仰視穹蒼低  
俯眺亦何有森森喬木齊喧囂從吏語嘲哂驚禽啼  
既飯復搜討林間得幽蹊巖阿訪靈跡大士常高棲

古殿蝕苔蘚丹青暗塵墜俯身踐危蹬側足緣深溪  
老樹陰潭黑風條亂蟬嘶懸泉洗陰壁瑩色如玻璃  
佳觀誠可戀遲留思顛擠捫蘿出天險始免魂神睽  
緩步凌巖嶠雙旌隨杖藜回瞻花雨地已被煙雲迷  
頓轡下平陸晴川留馬蹄新篁映碧宇野寺臨長堤  
乘倦駐歸策荒園步柔荑婆娑兩高樹磊落垂紅梨  
汲井漱甘液拂塵觀舊題出門尚斜日隱隱聞城鼙  
勝槩亦陳迹茫然失端倪為詩記髣髴社友無訶詆

東山寺

前人

久有東林約因乘暇日遊眼明初出谷神旺欲凌秋  
野曠鶩孤隼江清颺遠鷗近山青障合多稼綠雲浮  
鷄犬村相接溝塍水亂流度橋喧從騎環樹獨鳴騶  
問俗經堯壤尋僧到沃州深沉開寶闥磅礴柅華輈  
像設嚴珠殿經聲隱絳幃仰看香刹直徐步畫廊修  
遇物皆周覽逢軒卽少畱前庭初顯豁後徑轉深幽  
野嶺青筠散霜楓赤葉稠隔牆聞好鳥循沼翫遊鯈  
翠幹櫻初剝紅芒稻半收凌虛發陞道匝境對層樓  
暗谷藏危棧平沙際別州川原同聚沫身世劇浮漚

回首飄鄉思臨樽浣客愁清閒資善奕決勝在冥搜  
影轉穰苴表風生曲逆籌歸鞍不敢緩斜日照文楸

遊賈氏南園

前人

江堤楊柳碧毵毵閒訪名園郡郭南瓏麥生齊知雨  
足海棠開遍覺春酣門前幽徑通芳蕙竹裏虛亭對  
遠嵐風物有情應笑我不攜歌酒只清談

遊靈巖

鮮于侁

千峯環郡宇二水遶城堞每憐山水佳况復開巖穴  
川流數里近放棹攀巖嶠靈巖駭神化環蔭數畝闊

古今圖書集成  
何人營佛祠棟宇殆天設前軒瞰谿山眺聽心耳豁  
徑穿巨水下碧玉聳高節涓流瀉石磴玉乳甘且潔  
其東乃小巖洞戶敞深徹嵌巖見石柱任重立精鐵  
昔人遇真僊相攜觀金闕川平聽鷄犬始覺人世別  
屈曲沿清谿桃花正開發塵緣念鄉縣歸思若眩涉  
寤寐瞬息間巖扉已嚴鑄時遷等陵谷事勝存圖牒  
獨有滄江流青霄見明月予來秋之季氣象頗淒切  
草木自變衰山花常發活清暉沃賞適異景差勝絕  
薄暮上歸艤休然望林樾

望雲樓

前人

雲山日在眼飛觀復看雲願似崇朝雨飄揚靜世氛

前人

灑泉亭

泉聲如琮瑤泉水深浩渺可愛主人心亭中狎鷗鳥

前人

無言亭

物來言有應事去言自忘翛然一榻上聊可傲羲皇

前人

禊亭

流水灣還來羽觴酬酢競應有蘭亭篇邦人起歌詠

前人

野人廬

深深惟使君草草學田舍持此歸與心隨時自瀟灑  
茶蘼洞 前人

天香分外清玉色無柰白誰向瑤池遊依稀太真色  
南園 前人

城上望南園園深知幾許啼鳥聞間關遊人不知處  
北園 前人

朝陽動湖水春色入名園邑人千萬戶日日望朱旛  
冰池 前人

東西橫塘裏積壘崑嶺玉潛鱗知幾何還待春風觸

書軒

前人

朱門謝俗客幽齋叙友人澄瀾鑑止水高節看叢筠

披錦亭

前人

春歸閨風家功入大匠手能將五色雲點綴當戶牖

橫湖

前人

三冬修竹色六月芙蕖風軒窗復啓處盡入菱花中

湖橋

前人

千峯起華陽一水連天漢初月正沉鉤隱然飛兩岸

待月臺

前人

臺高上霄漢人遠接囂紛秋中午夜靜萬里無纖雲  
吏隱亭 前人

心休忘物我道勝一軒靜隱几度朝晡可嗟人畏影  
霜筠亭 前人

亭小竹更密林幽人不知能教三伏景變作九秋時  
露香亭 前人

葉上花露泣軒前紅日長遊風復誰為時送席間香  
涵虛亭 前人

危欄試睡聽空翠如何把悄悄憂世心臨風一傾寫

過溪亭

前人

溪橋入庭下杖履可忘憂誰識釣魚翁有時拋直鉤  
菡萏亭 前人

夏綠分照水秋香仍滿池吳宮誰教戰一一盡妖姬  
此君庵 前人

結庵已忘情植竹更端操迢遙月上牀習靜誰能造  
金橙徑 前人

遠分穰下美移植使君園何人為修貢佳味上雕盤  
竹塢 前人

幽蹊入疎篁翠色連遠塢清夜大風來不隔鸞鳳語  
荻浦 前人

凝霜壓寒蘆白月鋪淨練誰起落梅聲愁人淚如霰  
蓼嶼 前人

盈枝紅欲滴照水色更好登臨正感秋何用催秋老  
寒蘆港 前人

蒹葭何紛披湖水還詰曲誰言江渚間亦有雙鷺宿  
天漢臺 前人

臺外遶佳山臺中垂暇日齷齪絳守居徒勞誇紹述  
前人

溪光亭 前人

湖源深可醜溪水清能照坐見落花來不知春色老  
篔簹谷 前人

暉暉藍田山山下多綠玉安得結茅茨林間許容足  
庚子八月八日再遊東山寺 前人

蜀師當日戍黃金此地由來險阻深漢水東流自紆  
直秦山北望正嶽峯涼風肅物初秋意膏澤愆期但  
晝陰同是天涯未歸客荒烟斜日正登臨

贈牛頭寺明上人 蘇軾

古今圖書集成  
一轉金剛一炷香雪眉霜鬢任蒼蒼去傳熊耳西來  
印歸葺牛頭舊住房風靜水聲喧竹塢夜深雲氣濕  
龍牀迷途盡欲師開悟何事年來厭玉堂

冰池

前人

不嫌冰雪遶池看誰似詩人巧耐寒記取羲之洗硯  
處碧琉璃下黑蛟蟠

書軒

前人

雨昏石硯寒雲色風動牙籤亂葉聲庭下已生書帶  
草使君疑是鄭康成

披錦亭

前人

煙紅霞綠曉風香燕舞鶯啼春日長誰道使君貧且  
老繡屏錦幃咽笙簧

橫湖

前人

貪看翠蓋擁紅粧不覺湖邊一夜霜卷却天機雲錦  
段從教匹練瀉秋光

湖橋

前人

朱欄畫柱照湖明白葛烏紗曳履行橋下龜魚晚無  
數識君拄杖過橋聲

望雲樓

前人

陰晴朝暮幾回新已向虛空寄此身  
出本無心歸亦好白雲還似望雲人

待月臺

前人

月與高人本有期掛簷低戶映蛾眉  
只從昨夜十分滿漸覺冰輪出海遲

二樂榭

前人

此間真趣豈容談二樂并君已是三  
仁智更須訶妄見坐令魯叟作瞿曇

灑泉亭

前人

聞道池亭勝兩川應須爛醉答雲煙  
勸君多揀長腰米消破亭中萬斛泉

吏隱亭

前人

縱橫憂患滿人間頗怪先生日日閒  
昨夜春風眠北牖朝來爽氣在西山

霜筠亭

前人

解籜新篁不自持嬋娟已有歲寒姿  
要看凜凜霜前意須待秋深粉落時



古今圖書集成  
無言亭

前人

慇懃稽首維摩詰敢問如何是法門彈指未終千偈  
了向人還道本無言

露香亭

前人

亭下佳人錦繡衣滿身纓絡綴明璣晚香消歇無尋  
處花已飄零露已晞

涵虛亭

前人

水軒花榭兩爭妍秋日春風各自偏惟有此亭無一  
物坐觀萬景得天全

過溪亭

前人

身輕步穩去忘歸四柱亭前野芍微忽悟過溪還一  
笑水禽驚落翠毛衣

禊亭

前人

曲池流水細鱗鱗高會傳觴似洛濱紅粉翠娥應不  
羨畫船來往不須人

菡萏亭

前人

日日移牀起下風清香不盡思何窮若爲化作龜千  
歲巢向田田萬葉中

古今圖書集成  
野人廬

前人

少年辛苦事犁鋤剛厭青山遶故居老覺華堂無意味却須時到野人廬

此君庵

前人

寄語庵前抱節君與君到處合相親寫真雖是文夫子我亦真堂作記人

金橙徑

前人

金橙縱復里人知不得鱸魚價自低須是松江煙雨裏小船燒薤擣香齏

茶藤洞

前人

長憶故山寒食夜野茶藤發暗香來分無素手簪羅髻且折霜蕤浸玉醅

南園

前人

不種天桃與綠楊使君應欲勸農桑春畦雨過羅紈膩夏壠風來餅餌香

北園

前人

漢水巴山樂有餘一麾從此首歸途北園草木憑君問許我他年作主無

古今圖書集成  
竹塢

前人

晚節先生道轉孤  
歲寒惟有竹相娛  
麤才杜牧真堪笑  
喚作軍中十萬夫

蓼嶼

前人

秋歸南浦蟪蛄鳴  
雪落橫湖沙水清  
臥雨幽花無限思  
抱叢寒蝶不勝情

荻浦

前人

雨折霜乾不耐秋  
白花黃葉使人愁  
月明小艇湖邊宿  
便是江南鸚鵡洲

寒蘆港

前人

溶溶晴港漾春暉  
蘆笋生時柳絮飛  
還有江南風物否  
桃花流水鯿魚肥

天漢臺

前人

漾水東流舊見經  
銀河左界上通靈  
此臺試向天文覓  
閣道中間第幾星

溪光亭

前人

決去湖波尚有情  
却隨初日動簷楹  
溪光自古無人畫  
憑仗新詩與寫成

古今圖書集成  
貧簞谷

前人

漢川修竹賤如蓬  
斤斧何曾赦籜龍  
料得清貧饒太守  
渭濱千畝在胷中

冰池

蘇轍

水深冰亦厚  
滉蕩鋪寒玉  
好在冰中魚  
何愁池上鷺

書軒

前人

綠竹覆新渠  
塵心日日疎  
使君遺癖在  
苦要校文書

披錦亭

前人

春晚百花齊  
綿綿巧如織  
細雨洗還明  
清風卷無迹

橫湖

前人

湖裏種荷花  
湖邊垂楊柳  
何處度橋人  
問是人間否

湖橋

前人

湖南堂宇深  
湖北林亭遠  
不作過湖橋  
兩處那得見

望雲樓

前人

雲生如湧泉  
雲散如翻水  
百憂亦凭欄  
悠悠定誰使

待月臺

前人

夜色何蒼蒼  
月明昃未上  
不上倚城臺  
無奈東西嶂

二樂榭

前人

動靜惟所遇仁智亦偶然誰令二物外猶有天地全

灑泉亭

前人

泉來草木滋泉去池塘滿委曲對庭除清冷備晨盥

吏隱亭

前人

隱居亦非難欲少求意遂有意未成歸聊就茅簷試

霜筠亭

前人

林高日氣薄竹色淨如洗寂歷斷人聲時有鳴琴起

無言亭

前人

處世欲無言事至或未可惟有此亭空燕坐聊復我

露香亭

前人

重露覆千花繁香凝畦圃不忍日將歸散逐微風去

涵虛亭

前人

虛亭面疎篁窈窕衆景聚更與坐中人行尋往來處

過溪亭

前人

溪淺復過橋過者猶恨嬾嬾看沙上鷗常爲獨遊伴

禊亭

前人

觴流無定處客醉醒還酌母令仲御歌空使人驚愕

菡萏亭

前人

開花濁水中抱性一何潔朱檻月明時清香為誰發

野人廬

前人

野人三四家桑麻足生意試與扣柴荆言詞有餘味

此君庵

前人

風梢遶簷合霜幹當窻靜遙知素壁上醉墨森相映

金橙徑

前人

葉如石楠堅實比霜柑大穿徑得新果令人憶鱸膾

茶藤洞

前人

猗猗翠蔓長藹藹繁香足綺席墮殘英芳樽清餘馥

南園

前人

官是勸農官種桑亦其所安得陌上人隔葉攀條語

北園

前人

使君美且仁遍地種桃李不獨茂春花行看食秋子

竹塢

前人

空坡放修竹肅肅復冥冥莫除塢竹笋從使入園生

荻浦

前人

離披霜露下蕭索微風觸摧折有餘清縱橫未須束

蓼嶼

前人

古今圖書集成  
風高蓮欲衰露重蓼初發會使此池中秋芳未曾歇

寒蘆港

前人

蘆深可藏人下有扁舟泊正似洞庭風日暮孤帆落

天漢臺

前人

臺高天漢近正練掛林端秋深霜露重誰見落西山

溪光亭

前人

溪亭新雨餘秋色月光漾鳥度夕陽中魚行白石上

篔簹谷

前人

誰言使君貧已用谷量竹盈谷萬萬竿何曾一竿曲

玉峯園經春不得一過因成詩呈同官約遊

文同

春來少嬉遊俗事日相耗南園只城外累月不一到  
花香雨後歇樹色風中老惟有巖下泉猶能滌幽抱

新晴望北山

前人

西風吹北山曉日曬新雨嵐光澄巖岫草木紛可數  
翠壁倚萬丈白雲橫一縷待訪餐霞人斯遊欲誰與

自斜谷第一堰泝舟上觀石門兩岸奇峰最爲

佳絕

前人

古今圖書集成  
北風吹雲落寒水逆波刺船行五里層巒夾空抱叢  
石萬劍側脊翠烟起草木枝葉自殊別禽蟲羽毛亦  
奇詭安得鷄冠數稜田便可誅茅此居止

天寧溪濯足

前人

暑氣沉晚樹晴光滿遙川下馬古道側濯足清溪邊  
勝事樂水石幽懷托雲烟還來振衣起回首徒悵然  
郡齋閒咏六言詩二十四首

前人

獨坐

不報門前客至已收案上文書獨坐水邊林下宛如

故里閒居

湖上

湖上雙禽泛泛橋邊細柳垂垂日午亭中無事使君  
來此吟詩

湖橋

湖橋北頰花塢水閣西頭竹村霏霏薄霧紅暖漠漠  
輕烟翠昏

推琴

點點新萍貼水濛濛柳絮縈風盡日推琴默坐有人



池上亭中

靜觀

十許文魚戲水一雙花鴨眠沙靜觀只恐驚去無語  
凭欄日斜

亭館

亭館翛翛度日園林寂寂經風且遮新笋留客莫掃  
殘花惱翁

流水

四首秦僧絕論一篇楚客離騷讀罷却彈流水先生

此興尤高

報國

報國無忘竭節居官勿用論功莫問啞啞趨樂不須  
咄咄書空

聞道

聞道幸非曲士讀書甘作陳人爲文自怪逆俗好畫  
誰知入神

相如

相如何必稱病靖節奚須去官就下其誰不許如愚

古今圖書集成  
是處皆安

彭澤

彭澤先生未去武陵太守常貧上官幸且容已下鬼  
休來笑人

凭几

列傳日逢佳士羣書時得微言自對古人凭几不須  
俗客登門

衰後

衰後常服藥餌憂來頻憶林泉身坐謝莊小閣心遊

沈約東田

鷺鷥

避雨竹間點點迎風柳下翩翩靜依寒蓼如畫獨立  
晴沙可憐

又

頭若瓊鉤淺曲骹如碧管深翹湖上水禽無數其誰  
似爾清標

蓮子

綠實填房未滿黃茸遶殼方開爲問因誰勸酒一時

古今圖書集成  
齊側傳盃

採蓮

岸幘客來橋上濺  
裙人在湖中桂楫蘭橈甚處蓮花  
荷葉無窮

翡翠

見諸長喙須避得  
少纖鱗便飛爲報休來近岸有人  
愛汝毛衣

朱槿

含露方矜香裊搖風旋見離披  
湖上先生笑汝朝開

暮落何爲

偶書

犢去食苗莫問鳥來攫肉休知物須以信相感事忌  
於心有爲

閒書

看畫亭中默坐咏詩岸上微行自謂偷閒太守人稱  
竊祿先生

又

遂去堪羞子溥歸來可重淵  
明試問七松處士何如

古今圖書集成  
五柳先生

青鶴

常惡靜時鳧鷖不驚飽處魚鰕與吾閒正相似問爾  
樂復何如

北岸

曲榭紅蕖影上圓庵綠篠陰中門外何人會畫故來  
寫作屏風

初入棧道

明許纘

梁漢起天中形連百二雄萬山爭地立一路與雲通

樹杪過人影崖頭嘯虎風我行三月暮悵望華陰東

子午谷

王雲鳳

馬前銅笛數聲頻柳底行來漢水濱且喜晚炊來子  
午曾經春雨憶庚申採茶路曲穿林女放瀨聲高蕩  
槳人却歎冶容幾喪國荔枝飛騎不沾塵

五雲宮

石無用

今夜誰家是宿處五雲宮裏最清幽羽衣松底聲三  
弄荷葉池中月一鉤苔觀落花疎點翠風吹林竹亂  
吟秋更闌對燭心如洗一卷南華說到頭

古今圖書集成  
黃金峽

王任

九十餘里黃金峽二十四處白雲灘雷向江中驅亂石水從天上倒狂瀾鐵崖礙日千山險玉井生風六月寒信宿龍潭幸蚤出片帆回首抵長安

五雲樓

馮綬

百尺高樓倚檻看此身疑在五雲端北瞻魏闕星辰近西望巴山道路難化到文王江漢上興來學士笑談間江湖廊廟原非二愧我民窮久素餐

龍亭侯墓

徐乾健

策馬龍亭日欲曛江頭遙見蔡侯墳漢封遺跡空憐在青史香標世共聞漫拂魚牋銘舊德不煩竹簡謝夫君頻過多少千秋意感慨依依佇斷雲

過子午鎮

楊美益

長安此去萬雲橫子午仍存古路名蜀將提兵疑谷險唐宮獻荔度山輕英雄不信無奇策艷色何知有怨聲空把是非悲往蹟亂峯回首自崢嶸

金洋堰

何悌

爲愛洪流足溉田十旬兩度此登旋日催嵐色開圖

古今圖書集成  
畫風領泉聲奏管絃墨載貞珉追往事祠臨高渚報  
先賢三農何幸當平世蒸粒常歌大有年

豐都山

張鍊

峨眉山從西極來龍蟠虎伏何崔嵬東下斗山落平  
掌山腰樓觀黃金開山君舊是豐都神千年常住棲  
霞臺臺下芝田臺上樹日色矇矓含赤霧仙臺羽衣  
亦婀娜寶蓋朱旛競馳騫爐烟結蓋似神臨法鼓鳴  
雷豈神怒古柏四時風雨聲長松萬丈鶴鶴鳴雷侯  
住處夕陽斂壺叟吟邊青草生鹿林豹窟尋仙跡洞

鳥巖花殢客情客情仙跡兩悠悠目極澄江無盡頭  
石徑迂迴下平地道士還山靈雨收回看來處桃花  
暗惟聽流泉萬壑幽

子午谷

楊一清

躡蹬穿蘿路轉遙夜深燈火政蕭蕭官程又出子午  
谷鄉夢還懷丁卯橋秦嶺天低星斗近漢江風暖瘴  
嵐消馳驅敢作賢勞嘆愧乏涓埃答聖朝

過環珠水神廟

文岡

路轉黃金峽江流碧玉環舟迴九十里人避百重灣

峯屋如仙閣人家近閩山欲尋羽客話雲鎖洞門閒  
入洋縣道中  
前人

玉冊遙瞻太白嶺赤書近渡小龍溪偶舒望眼便開  
豁况覺征輶離險躋沃野平平千里去金城歷歷四  
山齊閒情更羨村居美春綠池塘水滿堤

欽定古今圖書集成方輿彙編職方典

第五百三十六卷目錄

漢中府部紀事

漢中府部雜錄

漢中府部外編

職方典第五百三十六卷

漢中府部紀事

史記高祖本紀漢王之國項王使卒三萬人從楚與諸侯之慕從者數萬人從杜南入蝕中去輒燒絕棧道以備諸侯盜兵襲之亦示項羽無東意註李奇曰蝕音力在杜南如淳曰蝕入漢中道川谷名索隱曰孟康音食王劭按說文作鐘器名也地形似器故名之索隱曰按系家是用張良計也棧道閣道也音士諫反包愷音士版反崔浩云險絕之處傍鑿山巖而



古今圖書集成  
施版梁爲閣

高祖遣酈商攻洵關定漢中地

留侯列傳漢元年正月沛公爲漢王王巴蜀漢王賜良金百鎰珠二斗良具以獻項伯漢王亦因令良厚遺項伯使請漢中地項王乃許之遂得漢中地漢王之國良送至褒中遣良歸韓良因說漢王曰王何不燒絕所過棧道示天下無還心以固項王意乃使良還行燒絕棧道良至韓韓王成以良從漢王故項王不遣成之國從與俱東良說項王曰漢王燒絕棧道

無還心矣乃以齊王田榮反書告項王項王以此無西憂漢心而發兵北擊齊

蕭何傳沛公既先定秦項羽後至欲攻沛公沛公謝之得解羽遂屠燒咸陽與范增謀曰巴蜀道險秦之遷民皆居蜀迺曰蜀漢亦關中地也故立沛公爲漢王而三分關中地王秦降將以距漢王漢王怒欲謀項羽周勃灌嬰樊噲皆勸之何諫之曰雖王漢中之惡不猶愈于死乎漢王曰何爲乃死也何曰今衆弗如百戰百敗不死何爲周書曰天予不取反受其咎

古今圖書集成  
語曰天漢其稱甚美夫能詘于一人之下而信于萬乘之上者湯武是也臣願大王王漢中養其民以致賢人收用巴蜀還定三秦天下可圖也漢王曰善乃遂就國

舊志三年丙辰夏江漢水溢漂沒四千餘家

八年辛酉夏漢水復溢漂沒六千餘家

漢中志田叔爲漢中守屬縣十一去洛一千九十一里叔旣饋以軍饗又致名材立宮室帝嘉之後爲魯相然以帝業所興不封藩

王莽時公孫述據蜀跨有漢中當秦隴之徑每罹其害安帝末初二年陰平武都羌反入漢中殺太守董炳沒略吏民

四年羌復來太守鄭厓出屯褒中欲與羌戰主簿段崇陳禪以爲但可堅守來虜乘勝其鋒不可當厓不從戰敗績崇與門下吏王宗原展及崇子勃兄子伯生力戰捍厓并命功曹程信素居守馳來赴難冒寇殞殮厓虜遂大盛天子乃拜巴郡陳禪爲漢中太守虜素憚禪更來盤結禪知攻守未可卒下而年荒民

古今圖書集成  
困乃矯詔赦之大小咸服既誅其亂首天子善之徙  
禪左馮翊太守程信怨恥乃結故吏冠蓋子弟嚴孳  
李容姜濟陳巳曹廉勾矩劉旌等二十五人誓志報  
羌各募壯士豫結同死以待寇太守鄧成命信爲五  
官孳等門下官屬

元初二年羌復來巴郡板楯救之信等將其士卒力  
奮討大破之信被八創二十五人戰死自是後羌不  
敢南向

五年天子下詔褒歎信崇等賜其家穀各千斛宗展

孳等家穀各五百斛列畫東觀每新太守到必先存  
問其家以羌畏服陳禪拜禪子澄漢中太守

府志和帝永興十五年癸卯六月城固南城門災

桓帝延熹三年庚子夏五月戊申漢中洋山崩

獻帝建安二十年張魯叛漢中據其地自稱王曹操  
平之

二十四年己亥八月大霖雨漢水溢

三國志法正傳先主進兵漢中正亦從行二十四年  
先主自陽平南渡沔水緣山稍前于定軍興勢作營

古今圖書集成  
淵將兵來爭其地正曰可擊矣先主命黃忠乘高鼓  
譟攻之大破淵軍淵等授首曹公西征聞正之策曰  
吾故知元德不辦有此必爲人所教也

徐晃傳晃與夏侯淵拒劉備于陽平備遣陳式等十  
餘營絕馬鳴閣道晃別征破之賊自投山谷多死者  
太祖聞甚喜假晃節令曰此閣道漢中之險要咽喉  
也劉備欲斷絕外內以取漢中將軍一舉克奪賊計  
善之善者也太祖遂自至陽平引出漢中諸軍

楊洪傳洪字季休犍爲武陽人也劉璋時歷部諸郡

先主定蜀太守李嚴命爲功曹嚴欲徙郡治舍洪固  
諫不聽遂辭功曹請退嚴欲薦洪于州爲蜀郡從事  
先主爭漢中急書發兵軍師將軍諸葛亮以問洪洪  
曰漢中則益州咽喉存亡之機會若無漢中則無蜀  
矣此家門之禍也方今之事男子當戰女子當運發  
兵何疑

漢中志沛國張陵學道于蜀鶴鳴山造作道書自稱  
太清元元以惑百姓陵死子衡傳其業衡死子魯傳  
其業魯字公祺以鬼道見信于益州牧劉焉魯母有

古今圖書集成  
少容往來焉家初平中以魯爲督義司馬往漢中斷  
谷道魯旣至行寬惠以鬼道教立義舍置義米義肉  
其中行者取之量腹而已不得過過多云鬼病之其  
市肆價平亦然犯法者三原而後行刑學道未信者  
謂之鬼卒後乃爲祭酒巴漢夷民多便之其供通限  
出五斗米故世謂之米道扶風蘇固爲漢中太守魯  
遣其黨張修攻固城固人陳調素遊俠學兵法固以  
爲門下掾說固守捍禦寇之術固不能用踰牆走投  
南鄭趙嵩嵩將俱逃賊盛因遣嵩求隱避處嵩未還

固又令鈴下偵賊賊得鈴下遂得殺固嵩痛憤仗劍  
直入調亦聚其賓客百餘人攻修戰死魯遂有漢中  
數害漢使焉上書言米賊斷道至劉焉子璋爲牧時  
魯益驕恣璋怒建安五年殺魯母弟魯率巴夷杜濩  
朴胡袁約等叛爲讎敵魯時使使漢朝亦慢僑帝室  
以亂不能征就拜中郎將漢寧太守不置長吏皆以  
祭酒爲治民璋數遣龐羲李思等討之不能克而巴  
夷日叛乃以羲爲巴西太守又遣楊懷高沛守關頭  
請劉先主討魯先主更襲取璋二十一年魏武帝西征

魯魯走巴中先主將迎之而魯功曹巴西閭團說魯北降歸魏武贊以大事宜附託不然西結劉備以歸之魯勃然曰寧爲曹公作奴不爲劉備上客遂委質魏武武帝拜魯鎮南將軍封襄平侯又封其五子皆列侯時先主東下江安巴漢稽服魏武以巴夷王杜濩朴胡袁約爲三巴太守留征西將軍夏侯淵及張郃益州刺史趙顛等守漢中遷其民於關隴二十四年春先主進軍攻漢中至定軍淵郃顛來戰大爲先主所破將軍黃忠斬淵顛首魏武帝復西征先主先

主曰孟德雖來無能爲也我必有漢川矣先主遂爲漢中王將還成都當得重將以鎮漢中衆皆以必張飛張飛心亦自許先主乃以牙門義陽魏延爲鎮遠將軍漢中太守先主大會羣臣問延曰今委卿以漢中卿居之若何對曰若曹操舉天下而來請爲大王拒之若偏將十萬而來請爲大王吞之衆壯其言初魏武之留淵郃也以鷄肋示外外人莫察惟主簿楊修知之故曰夫鷄肋棄之如可惜食之無所得以比漢中也是後處蜀魏界固險重守自丞相大司馬大

將軍皆鎮漢中蜀平梁州治沔陽

華陽國志後主建興十一年丞相亮治斜谷閣道運糧谷口十二年春丞相亮以流馬運從斜谷道出武功據五丈原與司馬宣王對于渭南

督漢中事  
十五年以後典軍安漢將軍王平領漢中太守代懿

府志延熙七年三月魏曹爽寇漢中丞相亮令費偉等屯兵興勢禦之爽不得進時夏侯元亦至以司馬懿書示爽引軍還

魏書李冲傳車駕南伐以冲兼左僕射畱守洛陽車駕渡淮別詔安南大將軍元英平南將軍劉藻討漢中名雍涇岐三州兵六千人擬戍南鄭尅城則遣冲表諫曰秦州險阨地接羌夷自西師出後餉援連續加氏人叛逆所在奔命運糧擐甲迄茲未已今復豫差戍卒懸擬山外雖加優復恐猶驚駭脫終攻不尅徒動民情連氏結夷事或難測輒依旨密下刺史待軍尅鄭城然後差遣如臣愚見猶謂未足何者西道險阨單徑千里今欲深戍絕界之外孤據羣賊之口

古今圖書集成  
敵攻不可卒援食盡不可運糧古人有言雖鞭之長  
不及馬腹南鄭於國實爲馬腹也且昔人攻伐或城  
降而不取仁君用師或撫民而遺地且王者之舉情  
在拯民寇之所守意在惜地校之二義德有淺深惠  
聲已遠何遽於一城哉且魏境所掩九州過八民人  
所臣十分而九所未民者惟漠北之與江外耳羈之  
在近豈急急於今日也宜待大開疆宇廣拔城聚多  
積資糧食足支敵然後置邦發將爲吞并之舉今鍾  
離壽陽密邇未拔諸城新野跬步弗降所尅者舍之

而不取所降者撫之而旋戮東道旣未可以近力守  
西蕃寧可以遠兵固若果欲置者臣恐終以資敵也  
又令建都土中地接寇壤方須大收死士平蕩江會  
輕遣單寡棄令陷沒恐後舉之日衆以畱守致懼求  
其死效未易可獲推此而論不戍爲上高祖從之  
華陽國志咸寧四年春漢中都吏襲祚等謀殺太守  
姜宗以叛宗覺堅守祚等燒南鄭市及平民屋  
府志晉楊茂搜本姓令狐楊駒之甥略陽清水氏人  
也初楊駒始居仇池有地百頃至其孫千萬附魏封



古今圖書集成  
爲百頃王千萬孫飛龍浸強盛徙居略陽以其甥令  
狐茂搜爲子茂搜避齊年之亂率部落還保仇池自  
號輔國將軍右賢王關中人避亂者多依之尋卒子  
難敵遂據其地

孝武帝寧康元年癸酉冬秦寇陷梁益  
安帝義熙十三年丁巳七月城固縣水涯有聲若雷  
既而岸崩出銅鐘十二枚

宋書劉秀之傳秀之元嘉二十五年除督梁南北秦  
三州諸軍事寧遠將軍西戎校尉梁南秦二州刺史

時漢川饑儉境內騷然秀之善於爲政躬自儉約先  
是漢川悉以絹爲貨秀之限令用錢百姓至今受其  
利

府志唐元宗開元元年癸丑洋州南十里地出醴泉  
天寶三載甲申洋州東北太白山得玉冊獻於朝因  
改華陽縣曰眞符

德宗避朱泚兵入洛谷過洋州在道民有獻瓜果者  
上欲以散秩官授之陸贄上奏其略曰自兵興以來  
財賦不足以供賜而職官之賞興焉青朱襪沓於胥

古今圖書集成  
徒金紫普施於輿皂當今所病方在爵輕設法貴之  
猶恐不重若又自棄將何勸人倘獻瓜果者亦授職  
官則彼必相謂曰吾以忘軀命而獲官此以進瓜果  
而獲官是軀命同於瓜果矣誰復爲用哉上悟

建中元年庚申騶虞見武安

僖宗中和三年鹿晏弘屠洋州

昭宗大順二年楊復恭等專橫上出爲鳳翔監軍復  
恭不肯行求致仕從之未幾走興元與楊守亮反據  
洋州

景福元年李茂貞討之復恭走遂拔洋州

昭宗天復三年蜀王建略洋州

五代蜀高祖武成元年戊辰七月騶虞見武定

宋太祖開寶八年乙亥洋州火焚州廨民居約千七  
百餘區

真宗咸平六年癸卯七月洋州漢水溢

神宗元豐元年戊午武康軍禾一莖十穗

高宗紹興二十六年丙子褒城產紫檀香

宋史楊政傳政守漢中十八年六堰久壞失灌溉之

古今圖書集成  
利政爲修復漢江水決爲害故築長堤捍之凡利於民者不敢以軍旅廢

府志孝宗淳熙元年甲午洋州乏食  
十四年丁未洋州饑

光宗紹熙四年癸丑夏大水山河堰盡決

寧宗慶元二年丙辰夏旱守臣禱雨有錦文小蛇行水上雨大至

嘉定十二年己卯金兵入洋守臣蔡晉卿遣兵拒之不克洋陷金兵焚其城而去

理宗紹定三年庚寅六月大水

四年辛卯春大饑元拖雷分騎兵三萬攻破鳳州徑趨華陽屠洋州

寶祐元年癸丑春蒙古兵渡漢江都統高達拒却之元史李進傳憲宗西征丞相史天澤時爲河南經略大使選諸道兵之驍勇者從遂命進爲總把是年秋九月道由陳倉入興元度米倉關其地荒塞不通進伐木開道七百餘里冬十一月至定遠七十關其關上下皆築連堡宋以五百人守之巴渠江水環堡東

古今圖書集成  
流天澤命進往關下說降之不從進潛視間道歸白  
天澤曰彼可取也是夜二鼓天澤遣進率勇士七十  
人掩其不備攻之脫門樞而入者二十人守門者覺  
拔刀拒之進被傷不以爲病懸門俄閉諸軍不得入  
進與二十人力戰殺傷三十人後兵走上堡進乃毀  
懸門納諸軍追至上堡殺傷益衆宋兵不能敵棄走  
夜將旦進遂得其堡守之關路始通諸軍盡渡進以  
功受上賞

府志世祖至元十一年甲戌興元鳳州進麥一莖七

穗穀一莖三穗

泰定帝泰定四年丁卯八月興元洋州地震

明太祖洪武五年壬子夏六月大雨暴溢巨木蔽江  
而下抵南岸止

十七年甲子春中梁山產靈芝二本

成祖末樂十年壬辰漢江水溢

十四年丙申五月漢水溢淹沒洋縣城公私廬舍無  
存

宣宗宣德元年丙午旱

英宗正統七年壬戌饑

代宗景泰元年庚午大旱

四年癸酉大有年

憲宗成化元年乙酉草寇王剛作亂民大饑

六年庚寅漢水溢漲高數十丈城郭民舍俱淹沒

十二年丙申麥生二穗

二十三年丁未大饑

孝宗弘治元年戊申夏大雨冬大饑

五年壬子寧羌州芝草生

七年甲寅褒城龍興寺山麓下有洞龍蛻其中長一丈五尺餘

十年丁巳寧羌州修學忽得石板一窖天然方平不勞椎鑿衆皆異之又一婦人獨行遇虎驚駭倒地虎視之不啞

十五年壬戌夏大雨傷禾民多疫

十七年甲子夏旱秋雨雹傷稼

武宗正德元年丙寅冬地震

三年戊辰夏大雨略陽山崩壓居民至死

四年己巳春夏旱流賊藍鄢寇略陽討平之

五年庚午褒城縣庠生馬安然渡沙河見人魚立水上急搏之乃入水無何抵家卒

七年壬申五月西南起一火星大如斗

十四年己卯夏漢水溢

十五年庚辰洋縣東椒溪河獲白鹿項懸銅牌餘字湮沒惟唐字可識土人異而釋之

世宗嘉靖元年壬午春水夏秋旱

二年癸未大水

五年丙戌虫食禾

六年丁亥龍江水合

十四年乙未秋大熟馬興康黃狗亂寇略陽討平之是年城固有虎據邯鄲村數日人不能捕夜不知其所往

十五年丙申夏漢水泛漲獲人魚數十有近丈者又洋縣城西紙房街石洞有青黃二龍鬪于水中漂民舍溺死者甚衆

十六年丁酉春地震夏旱秋雨雹傷稼

古今圖書集成  
十七年戊戌春夏饑

十八年己亥大有年二月褒地微震自西至七月漢江漲漂珍寶壞民居

二十一年壬寅夏大水漂流民舍

三十三年甲辰春大饑夏大疫

二十四年乙巳冬十二月子刻地震有聲如雷是年城固有虎上出斗山灣下游七星寺人畏之晝不敢行知縣范時修牒于神捕之滅迹

二十七年戊申春饑秦隴流移多盜斗豆三錢

二十九年庚戌烏龍江漲漂打鐘村

三十年辛亥六月霖雨彌月八月十二日鬼鳥飛鳴

三十一年癸丑甘露降於褒城啓聖祠柏上露滴樹下如凝脂小兒伏地食之甘如蜜

三十三年甲寅褒城龍潭壩龍行先是民屋中有泉護之甚勤一夕夢曰吾明日當行須牢收鷄犬也民如其言至午有尺蛇蜿蜒水面踰時漸長雲滃雷作則頭角爪髯俱全奮怒而去平地水深三尺山崩石裂民舍漂盡橋梁蕩然而此家獨存

古今圖書集成  
三十四年乙卯秋熟十月褒中有妖夜爲孽抓人面  
有痕鄉人金鼓徹夜數日乃已

四十一年壬戌正月城固豐樂橋觀音閣災

四十四年乙丑城固粟一莖二穗綿六藥九藥

四十五年丙寅城固斗山松二本相距數尺高丈餘  
其末合而爲一人謂之連理松

穆宗隆慶二年川寇何勉亂擁萬衆盤踞乾溝母豬  
寨官軍討五年甫平

四年庚午洋縣南陽村王九霄家池內產並頭蓮

神宗萬曆二年甲戌饑

四年丙子九月初七日大雪盈尺殺禾稼

十三年乙酉饑

十六年戊子秋大水環西鄉城南關壞民居百家前  
令李鳴築壘河以削其勢害始息

二十二年甲午西鄉縣饑

二十三年乙未秋霖雨禾不實是年春寧羌州有一  
男子不知何許人同其母流寓州中一日大風雨雷  
擊之敵臺人視其背紅文顯然僉以爲不孝之徵云



古今圖書集成  
三十三年乙巳沔縣白馬關居民吳東朝于三月十  
一日辰時在門外榆樹下立忽被雷擊死身背紅文  
昭然素原稔惡致此天刑之慘

三十四年丙午南鄭縣致仕教官高若時惡僕名偏  
兒年二十四歲于七月二十九日未時被迅雷擊之  
後園口耳出血四肢分裂

四十一年癸丑秋淹西鄉東關

四十三年乙卯西鄉大饑

四十五年丁巳回賊高尚遷據山反久之乃定

四十六年戊午洋縣大饑

四十八年庚申流賊俞士乾率衆犯境

天啓四年甲子洋縣地震城垣民舍倒圮無數

七年丁卯流賊王魁祿率衆犯境

崇禎四年辛未夏秋大水平地高四五尺江河南北  
田苗盡沒房屋倒損是年流賊蝎子塊率衆數萬寇  
西鄉水東法寶莖莒苦竹男兒驚軍等壩殺擄萬計  
又略陽地震塌毀城垣二百餘丈

六年癸酉大水是年流賊搖天動老回回等率衆十

古今圖書集成  
餘萬寇鄉村殆盡

七年甲戌饑流賊黃龍寇據南山

八年乙亥九月地大震三日傾塌房屋無數又大旱  
九年丙子地震流賊一條龍率衆數萬攻圍西鄉城  
幾陷凡三月始解

十年丁丑流賊八大王白虎分掠南山等處是年秋  
蝗蟲蔽天食盡田禾苗亦無遺民大饑

十一年戊寅夏蝗飛蔽天齧食田苗併草俱盡

十二年己卯有雄鷄四翼四足

十三年庚辰大旱民饑粟價騰十倍民食木皮石麪  
俱盡

十四年辛巳旱

十五年壬午有瓜大如罔有大鳥高八尺黑身赤喙  
集蒲家壩數日飛去

十六年癸未水東居民見赤龍上天

漢中府部雜錄

後漢書王莽傳莽以皇后有子孫瑞通子午道子午

道從杜陵直絕南山徑漢中注師古曰子北方也午

南方也言通南北道相當故謂之子午耳今京城直

南山有谷通梁漢道名子午谷又宜州西界慶州東

界有山名子午嶺計南北直相當此則北山者是子

南山者是午共為子午道

華陽國志黃權曰若失漢中則三巴不振此割蜀人

股臂也

古今圖書集成  
後賢志李毅曰廣漢與成都密邇而統梁州者矜益州之領防在今日也益州有禍乃此郡之憂常璩序志後語蜀紀言三皇乘祗車出谷口秦宓曰今之斜谷也

周貞王之十六年秦屬公城南鄭此谷道之通久矣而說者以蜀王因石牛始通不然也

劉澄之梁州記武侯壘東南有定軍山八十餘里有諸葛武侯墓鍾會征蜀至漢州登亮之墓令軍士不得於墓芻牧樵采今松柏碑銘儼然

關城西南百八十里有白水關固解印綬處也

漢水南有溫泉周圍數千步冬夏常沸涌若湯其熱可熟鷄子

沔陽城在漢水南舊蕭何所築也劉備爲漢王權住此城盟於城下今門外有盟壇猶存

諸葛亮宅有井深四尺餘口廣一尺五寸累磚如初開云

梁州縣界有鴈塞山傳云此山有大池水鴈棲集之故因名曰鴈塞

古今圖書集成  
彥周詩話蜀陝路間有溪曰韓溪蕭鄴侯追淮陰處也劉涇巨濟題詩一絕云豪傑相從意氣中憐才傾倒獨蕭公後來可是無奇客東閣投名尙不通  
研北雜志吾家太史云漢中之民當春月男女行哭首戴白楮幣上諸葛公墓其哭甚哀  
老學庵筆記宋白石燭詩云但喜明如燭何嫌色似  
鬢燭出延安予在南鄭數見之其堅如石照席極明亦有淚如蠟而煙濃能黑污帷幕衣服故西人亦不貴之

興元城固城縣產礬石不可勝計與凡土石無異雖數十百擔亦可立取然其性酷烈有大毒非置瓦窰中煨三過不可用然猶動能害人尤非他金石之比千金有一方用礬石輔以乾薑烏頭之類名曰露宿丹其酷烈可想也

吳中卑薄廝地二三尺輒見水予頃在南鄭見一軍校火山人也言火山之南地尤枯瘠鋤鑿所及烈焰應手湧出故以火山名軍尤爲異也

四方之音有訛者則一韻盡訛如閩人訛高字則謂

古今圖書集成  
高爲歌謂勞爲羅秦人訛青字則謂菁爲萋謂經爲稽

聞見錄天下州名俗呼不正者有二一處州舊爲括州唐德宗立當避其名適處土星見分野故爲處州音楮今俗誤爲處所之處矣洋州乃汪洋之洋音楊今俗誤爲詳略之詳矣上自朝省下至士大夫無能正之者

春明夢餘錄褒城縣北卽連雲棧棧南口爲褒谷北口爲斜谷谷中水名黑龍江縣北八里過鷄頭關十

三里陟七盤嶺入棧谷北口爲寶鷄縣中歷鳳縣褒城縣南一百二十里過松梁關二百七十里過米倉關俱巴縣界

沔縣東北通秦嶺西南控川蜀金牛峽縣西一百七十里陳倉古道縣西二十五里漢中前控六路之師後據西蜀之粟左通荆襄之財右出秦隴之馬

城固縣南木曹關可通西鄉及通江蕭何守漢中修城固北通關山道由蓋屋鄠縣入關中蓋屋小道老子青山所過令尹喜授經之地

漢中府部外編

府志唐公昉城固人王莽居攝二年爲郡吏遇真人  
進以美瓜又從而禮貌之真人潛期背谷口賜以神  
藥曰飲此當移意萬里知禽獸語時去家百餘里轉  
影卽至鄉人驚白於府君府君學之無所進怒命吏  
收昉妻子昉歸告其師師與之歸以藥飲妻子塗屋  
柱須臾大風霧拔宇僊去惟堦不與焉

張氏居斗山素好善婦於山下汲水遇一嬰兒狀貌  
殊常乞乳婦與食之一日歸遲夫怪而問焉婦具以

告夫命婦以絲紉針俟再乞繫之可得其跡婦如其言以針刺兒背隨其絲至大松樹下掘之得茯苓其大如斗取歸烹食倏然雲霧四合舉家昇僊


洋縣志唐開元間龍血禪師者自蜀之洋卓錫於祈子山西麓創寺說法醴泉湧出傳有龍化老人聽講入定後遺蛻豎塔藏之迄今尚存

府志宋抱一道士鳳縣人嘗遇一老人手取篋中物餌之狀如蘆菔又與一小瓢中有葉如荳戒曰遇有疾施之自是絕粒真宗召見賜名抱一

明永樂間命禮科給事胡濙遍詣名山訪求張三丰至酆都山三丰正趺坐古柏下咫尺不見至今樹下螻蟻不生



Blank columns for text within the main frame.



Vertical text on the left side of the main frame, likely bleed-through from the reverse side.

